

宮
闈
典

宮闈典第二十九卷

皇后部彙考五

明二

太祖洪武三年定皇后禮服常服之儀 按明會典皇后禮服洪武三年定冠爲圓匡冒以翡翠上飾以九龍四鳳大花十二樹小花如大花之數兩博鬢十二鈿服褱衣深青爲質畫翟赤質五色十二等素紗中單黻領朱羅縠褱襖裾蔽膝隨衣色以緞爲領緣用翟爲章三等大帶隨衣色朱裏紕其外上以朱錦下以綠錦鈕約用青組玉革帶青鞵青舄以金飾 又皇后常服洪武三年定雙鳳翊龍冠首飾釧鐲金玉珠寶翡翠隨用諸色團衫金繡龍鳳文帶用金玉

洪武四年又定皇后冠飾之制 按明會典洪武四年定龍鳳珠翠冠真紅大袖衣霞帔紅羅長裙紅褙子冠制如特髻上加龍鳳飾衣用織金龍鳳文加繡飾

洪武十四年七月辛丑皇后千秋節諸命婦朝賀於坤寧宮賜宴 按大政紀云云

洪武二十六年定中宮正旦冬至及千秋節命婦朝賀之儀 按明會典洪武二十六年定凡正旦

冬至前期一日女官陳設御座於宮中設香案於丹墀之南其日內官陳設儀仗於丹陛之東西及丹墀東西女官擎執者立於御座之左右陳女樂於丹陛東西北向設箋案於殿東門外設班首拜位於中道之東西設命婦拜位於丹墀北向設司贊位於丹墀東西設司賓位於命婦班之北東西相向設內贊二人位於殿內東西命婦至宮門外司賓引命婦入就拜位女官具服侍班如常儀尙宮尙儀等官詣內奉迎尙儀奏請陞座皇后具服出導從如常儀樂作陞座樂止司贊唱班齊樂作贊四拜樂止內贊唱進箋引箋案女官前導舉箋案女官二人舉案由殿東門入樂作至殿中樂止贊衆命婦跪內贊唱宣箋目宣箋目女官宣訖興唱宣箋展箋女官詣案前取箋宣箋女官宣訖興舉案者舉案於殿東贊命婦皆興司賓引班首由東階升樂作自東門入至殿中樂止內贊唱跪班首跪司贊唱跪衆命婦皆跪班首稱某夫人妾某氏等茲遇正旦則云履端之節冬至則云履長之節敬詣皇后殿下稱賀今班首致詞稱賀俱司言女官代內贊司贊同唱興班首及殿外命婦皆興司賓引班首由西門出降自西階樂作至拜位樂止贊拜樂作四拜樂止司言前跪將旨由東門靠東出至於丹陛東西向立稱有旨司贊唱跪衆命婦皆跪司言宣旨正旦則云履端之慶冬至則云履長之慶與夫人等同之贊興衆命婦皆興司贊唱拜樂

作四拜樂止尙儀跪奏禮畢皇后興樂作還宮樂止引禮引命婦以次出 又定中宮千秋節命婦朝賀禮儀與正旦冬至同但致詞云茲遇千秋令節敬詣皇后殿下稱賀不傳旨朝賀女樂樂器戲竹二簫十四笙十四笛十四頭管十四簫十琵琶八二十絃八方響六鼓五拍板八杖鼓十二

惠宗建文元年二月立妃馬氏爲皇后 按大政紀云云

建文四年六月成祖卽位十一月冊皇后宴羣臣命婦續定冊立之儀 按大政紀洪武三十五年十一月壬辰冊妃徐氏爲皇后以冊后中宮宴文武羣臣四品以上於奉天殿五品以下於丹墀命婦宴於坤寧宮 按明會典永樂初續定先期三日齋戒遣官祭告天地宗廟用香帛酒脯行一

獻禮前一日禮部同鴻臚寺官設詔案於奉天殿中節冊寶案於詔案之南節案居中冊東寶西設節冊寶綵輿於丹陛之東尙寶司設寶案教坊司設中和韶樂及大樂至日早錦衣衛官設鹵簿大駕內官設皇后受冊位於宮中及設節冊寶案節案居中冊東寶西設香案於節案之前設內贊二人引禮二人設女樂於丹陛之上上具冕服御華蓋殿翰林院官以詔書用寶訖鴻臚寺官奏執事官行禮畢奏請陞殿如常儀文武百官具朝服行叩頭禮左右侍班正副使入就拜位贊鞠躬樂作

四拜興樂止傳制官跪奏傳制俯伏興執事官舉節冊寶案由殿左門出置御道中傳制官由左門出西向立稱有制贊正副使跪制曰某年某月某日冊妃某氏爲皇后授以冊寶命卿等持節行禮贊俯伏興樂作四拜禮畢樂止執事官舉節冊寶置綵輿中黃蓋遮送樂作至奉天門樂止儀仗鼓樂迎節冊寶至右順門外正副使朝北立內官捧節冊寶由正門入女樂導迎節冊寶未至之前引禮請皇后具禮服宮人侍衛以俟節冊寶將至引禮導皇后出迎於宮門外節冊寶至由正門入皇后隨至拜位內官以節冊寶各置於案樂作內贊贊四拜樂止贊宣冊贊跪宣冊女官取冊立宣於皇后之左宣訖贊受冊贊稽圭宣冊女官以冊跪授皇后受訖以授女官女官跪受於皇后之右立於西贊受寶其授受一如冊贊出圭贊興樂作內贊贊四拜樂止禮畢內官持節由正門出皇后出送於宮門外內官至右順門以節授正副使報禮畢正副使得報持節復命翰林院官以詔書授禮部官禮部官捧詔書於承天門開讀如常儀皇后授冊畢內官先具謁告儀物翰林院具謁告文上率皇后皆具服詣奉先殿行謁告禮如常儀謁畢皇后具服於內殿俟上具皮弁服陞座贊引女官導皇后詣上前就拜位行謝恩禮樂作八拜樂止贊禮畢還宮是日內官設皇后座於宮中南向設

諸親諸命婦拜位於丹墀內北向設儀仗女樂設內贊二人引禮二人引禮導長公主公主及親王妃俟皇后具燕服陞座引禮引詣皇后前行八拜禮次引六尚等女官行禮如之次引四品以上外命婦行四拜禮贊跪內贊跪致詞云妾某氏等恭惟皇后殿下榮膺冊命正位中宮禮當慶賀致詞畢贊俯伏興平身四拜禮畢次日親王等賀文武百官上表命婦上箋稱賀皆如常儀

成祖永樂元年三月壬午詔京官文武四品以上命婦免朔望朝中宮遇節來朝按大政紀云云永樂三年更定皇后朝服常服及冊寶之制按明會典皇后朝服永樂三年定九龍四鳳冠漆竹

絲爲圓匡冒以翡翠上飾翠龍九金鳳四正中一龍銜大珠一上有翠蓋下垂珠結餘皆口銜珠滴

珠翠雲四十片大珠花十二樹

皆牡丹花每樹花二朵蕊頭二箇翠花九葉

小珠花如大珠花之數

皆銀花飄枝每枝花一葉半開一葉翠葉

五三博鬢

左右共六扇

飾以金龍翠雲皆垂珠滴翠口圈一副上飾珠寶鈿花十二翠鈿如其數托裏金

口圈一副珠翠面花五事珠排環一對阜羅額子一描金龍文用珠二十一顆翟衣深青爲質

織翟衣十有二等

凡一百四十八對

間以小輪花紅領襖襖裙織金雲龍文紵絲紗羅隨用

中單玉色紗

爲之紅領襖襖裙領織黻文十三或用線羅蔽膝隨衣色織翟爲章三等間以小輪花四以緞爲

領緣織金雲龍文紵絲紗羅隨用

玉黻圭長七寸

周尺

刻其上璆黻文黃綺約其下以黃袋韜之金

龍文

玉革帶青綺韉描金雲龍文玉事件十金事件四

大帶表裏俱青紅相半其末純紅下垂

織金雲龍文上朱緣下綠緣并青綺副帶一

綬五采黃赤白縹綠纁質間施二玉環皆織成小綬

三色同大綬

玉珮二各用玉珩一瑀一琚二衝牙一璜二瑀下有玉花玉花下垂二玉滴璆飾雲

龍文描金自珩而下繫組五貫以玉珠行則衝牙二滴與二璜相觸有聲上有金鉤有小綬五采以

副之五采黃赤白縹綠纁質織成

青鞵舄鞵以青羅爲之舄用青綺飾以描金雲龍文阜線純每

舄首加珠五顆

又皇后常服永樂三年定雙鳳翊龍冠以阜黻爲之附以翠博山上飾金龍一翊

以二珠翠鳳皆口銜珠滴前後珠牡丹花二朶蕊頭八箇翠葉三十六葉珠翠櫻花鬘二朶珠翠雲

二十一片翠口圈一副金寶鈿花九上飾珠九顆金鳳一對口銜珠結三博鬘

左右共六屬

飾以鸞鳳金

寶鈿二十四邊垂珠滴金簪一對珊瑚鳳冠簪一副

大衫霞帔衫用黃色紵絲紗羅隨用霞帔深

青爲質織金雲霞龍文武繡或鋪翠圈金飾以珠紵絲紗羅隨用玉墜子璆龍文

四袂襖子卽稍

子深青爲質金繡團龍文紵絲紗羅隨用

鞠衣紅色胷背雲龍文用織金或繡或加鋪翠圈金飾

以珠或素紵絲紗羅并餘色隨用 大帶紅線羅爲之有緣餘或青或綠各隨鞠衣色 緣襪襖子

黃色紅領襖襪裙皆織金采色雲龍文紵絲紗羅隨用 緣襪裙紅色綠緣襪織金采色雲龍文紵

絲紗羅隨用 玉帶青綺鞋描金雲龍文玉事件十金事件三 玉花朵結綬以紅綠線羅爲結上

有玉綬花一琢雲龍文綬帶上玉墜珠六顆并金垂頭花板四片小金葉六箇紅線羅繫帶一 白

玉雲樣玳瑁二如佩制每事上有金鈎一金如意雲蓋一件兩面鍍雲龍文下懸紅組五貫金方心

雲板一件兩面亦鍍雲龍文俱襯以紅綺下垂金長頭花四件中有小金鐘一箇末綴白玉雲朶五

青鞵烏與翟衣內制同 冊寶冊用金二片每片依周尺長一尺二寸闊五寸厚二分五釐鐫刻

真書每片側邊上下有竅用紅條聯貫開闔如今書帙之狀背各用紅錦嵌護藉以紅錦小褥冊盤

以木爲之飾以渾金瀝粉蟠龍用紅紵絲襯裏內以紅羅銷金小袱裏冊外以紅羅銷金夾袱裏之

五色小條繫於匣外 寶用金龜鈕朱綬交用篆書曰皇后之寶依周尺方五寸九分厚一寸七分

寶池用金闕取容寶寶匣二副每副三重外匣用木飾與冊盤同中匣用金鍍造蟠龍內小匣仍用

木與外匣同小匣內置一寶座四角雕蟠龍飾以渾金座上用小錦褥褥上一置寶池用銷金紅羅

小夾襖裏寶其匣外各用紅羅銷金大夾襖覆之

永樂五年皇后徐氏崩上謚冊之典頒行皇后內訓二十篇 按大政紀永樂五年七月乙卯皇后徐氏崩十月甲午遣太子太師淇國公丘福禮部尙書趙玘奉冊謚大行皇后曰仁孝皇后十一月乙丑以仁孝皇后內訓賜羣臣俾教於家初后於宮中覽觀載籍著是書以爲女範其目曰德性修身慎言謹行勤勵警戒節儉積善遷善崇聖訓景賢範事父母事君事舅姑奉祭祀母儀睦親慈幼逮下待外戚凡二十篇名曰內訓書成皇太子以進上覽之愴然命刊印分賜

永樂二十二年八月仁宗卽位十月己酉冊妃張氏爲皇后 按大政紀云云

仁宗洪熙元年六月宣宗卽位七月己巳冊妃胡氏爲皇后 按大政紀云云

宣宗宣德三年冊貴妃孫氏爲皇后 按大政紀宣德三年二月癸丑冊貴妃孫氏爲皇后先數月

上召張輔蹇義夏原吉楊士奇楊榮諭之曰有一大事與卿等議誠出不得已然吾亦決矣吾年三

十未有子中宮屢產而不育日者言中宮祿命不利子息今幸貴妃生子必立爲嗣母從子貴古亦

有之但今中宮如何處置因舉中宮過失數事榮曰舉此廢之可也上曰古人廢后有故事否議曰

宋仁宗降郭后爲仙妃上問輔原吉士奇爾三人奚獨無言士奇對曰古人有言臣于帝后猶子事父母今中宮母也羣臣子也子豈當議母榮曰上命廢之豈羣臣所得專士奇曰固出上命亦須處之得當上問輔原吉云何皆對曰須處之得當原吉又曰此大事容臣等退詳議以聞上問此舉得不貽外議否義曰自古所有何得議之士奇曰宋仁宗廢郭后孔道輔范仲淹率臺諫十數人入諫被黜至今史冊爲貶何謂無議旣退榮義謂原吉士奇曰上有志久矣非臣下所能止原吉曰止當議處置中宮士奇曰今日所聞中宮過失皆非當廢之罪議未決明旦上召士奇榮至西角門問議云何榮懷中出一紙列中宮過失二十事進呈皆極誣詆曰卽此是廢之因上覽二三事遽拂然變色曰渠曷嘗有此言宗廟無神靈乎遂袖之顧士奇爾何言對曰漢光武廢后詔書有曰異常之事非國休福宋仁宗廢后後來甚悔願陛下重慎之上不憚而罷他日又詔問五人輔原吉言願陛下慎處必在得當士奇請曰皇太后在上必有主張上曰太后有旨令我與爾等議之是日議未決一日獨召士奇至文華殿丹陛屏左右諭曰若何處置爲當士奇因請問中宮與貴妃相處若何上曰甚和睦相親愛如同氣姊妹但朕重皇子而念渠祿命不宜子息之說故欲正其母以別之中宮今

病踰月貴妃每日往視慰藉甚勤士奇對曰曷若乘今有疾而導之辭讓閒處則進退以禮而恩眷不衰上曰此說可行蓋兩人德性皆好能謙下今導之讓必從然貴妃必不肯受汝姑勿言吾試入導之數日獨召士奇曰汝前說甚善中宮果欣然辭貴妃報不受太后尙未聽辭然中宮必堅辭士奇對曰若此則願陛下待兩宮兩家當均一昔仁宗廢郭后而待郭氏恩意加厚上曰然吾不食言明旦以諭義等皆對曰善其議遂定至是行之

英宗正統七年定皇帝納后之儀 按明會典皇帝納后儀正統七年定納采問名前期擇日遣官告天地宗廟至期前一日所司設御座於奉天殿鴻臚寺設制案節案於御座前

按天順八年及萬曆六年新定儀注

有損益者附注本文之下

新儀改節案於制案之前下倣此

內官監禮部陳禮物於文樓下教坊司設中和樂於殿內至期早錦衣衛設鹵簿於丹陛丹墀禮部陳禮物於丹陛上及文樓下內官監設綵輿於奉天門外教坊司設大樂於奉天門內鼓三嚴鐘止鴻臚寺奏請陞殿上具冕服導駕奏引如常儀陞座文武官朝服叩頭訖左右侍班執事引正副使朝服就拜位行四拜禮傳制官奏傳制訖由東門出執事舉制案節案由中門出置丹墀中道禮物

在丹陛上者隨之傳制官宣制曰茲選某官某女爲皇后命卿等持節行納采問名禮正副使又行四拜禮鴻臚寺奏禮畢上興 新儀改禮畢上興在禮物隨出之後

引禮引制案節案用傘蓋遮護由奉天門中門出執事引文樓下禮物隨出至奉天門外正副使取節及制書置綵輿中儀杖大樂前導從中門中道行出大明門外正副使易吉服乘馬行詣皇后第行禮皇后第前一日設正副使幕次於大門外左南向設香案於正堂中設制案節案於香案南別設案於香案之北其日正副使至大門外儀仗大樂分列置綵輿於正中設制案節案於綵輿北引禮引正副使入幕次執事官陳禮物於正堂正副使出幕次取制書置案上禮官一員先入正堂立於東主婚者朝服出見立於西禮官曰奉制建后遣使行納采問名禮引主婚者出迎引禮引正副使捧制書及節先行主婚者隨行至正堂置制書及節於案正使立於案左副使立於案右東西相向引禮引主婚者就拜位行四拜禮詣案前跪正使取納采制宣訖授主婚者主婚者受之授執事者執事者跪受置於北案上稍右主婚者俯伏興平身執事者舉答問名表案於主婚者後少西取表授主婚者

主婚者受表跪授正使正使受置於案主婚者俯伏興平身退就拜位又行四拜禮畢正副使出置表綵輿中訖 新儀改正副使持節隨表案後出各置綵輿中訖

主婚者出大門外至正副使前致詞云請禮從者正副使復入酒饌畢主婚者捧幣帛以勞正副使正副使出主婚者送至大門外正副使進發綵輿於大明等門左門入至奉天門外以表節授司禮監官捧入復命制詞朕承天序欽紹鴻圖經國之道正家爲本夫婦之倫乾坤之義實以相宗祀之敬協奉養之誠所資維重祇遵聖祖母太皇太后聖母皇太后命遣使持節以禮采擇右納朕惟夫婦之道大倫之本正位乎內必資名家特遣使持節以禮問名尙佇來聞右問名附答辭臣某伏承嘉

命正使某官某等重宣制詔問臣名族臣女臣夫婦所生先臣某官某之元孫先臣某官某之曾孫先臣某官某之孫先臣某官某之外孫臣女今年若干謹具奏聞 納采問名禮物元纁紵絲四段

元色二段纁色二段金一百兩花銀八百兩珍珠五樣紵絲八十四大紅線羅四匹白生土紗四匹

各色熟絹八十匹綿臙脂一百箇蠟臙脂二兩

用金合二箇

珠兒粉十兩

問名紵絲六匹木紅絹六匹

珠翠花一朶羊八隻豬四口酒一百六十瓶鵝四十隻末茶二十袋圓餅一百六十箇白熟米四石

白麪八十袋棗子四合栗子四合木彈四合 納吉納徵告期前一日所司設制案節案禮物中和樂至期早設鹵簿綵輿大樂 新儀改設中和樂大樂俱在前一日

傳制遣使並同前納采問名儀但納徵用元纁束帛六馬等物制詞云茲聘某官某女爲皇后命卿等持節行納吉納徵告期禮皇后第前一日設正副使幕次香案制案節案別設案並同前受納采問名儀惟更設玉帛案其日正副使至皇后第於綵輿中取節及制書玉帛置案上少候執事先設皇后冠服諸禮物於正堂六馬陳於堂下禮官一員入正堂主婚者朝服出見禮官曰奉制聘皇后 新儀無是字

遣使行納吉納徵告期禮主婚者出迎執事舉玉帛案前行正使於案取納吉納徵制書捧之副使取告期制書及節捧之次行主婚者後隨 新儀改正使捧節副使捧納吉納徵告期制書

至正堂正副使各以制書及節置案上退立案之左右相向置玉帛案於節案制書案之南引禮引主婚者就拜位行四拜禮引詣案前跪正使取納吉納徵制書以次宣訖授主婚者主婚者受制以授執事者執事者跪受置於北案正使捧圭授主婚者主婚者受圭以授執事者執事者跪受置於

北案副使捧元纁授主婚者主婚者受以授執事者執事者跪受置於北案副使取告期制書宣詔授主婚者主婚者受制以授執事者執事者跪受置於北案主婚者俯伏興平身復位行四拜禮畢正副使持節出以節置綵輿中主婚者出門外請禮從者及捧幣勞正副使俱同前正副使還至奉天門外以節授司禮監官捧入復命制詞大婚之卜龜筮卿士協從敬循禮典遣使持節告吉

右納

吉卿女有貞靜之德稱母儀之選宜共承天地宗廟特遣使持節以禮納徵

右納徵

歲令月良吉日某

甲子大婚維宜特遣使持節以禮告期

右告期

納吉納徵告期禮物元纁絰絲四段元色二纁色二

玉穀圭一枝金龍珠翠燕居冠一頂金簪全燕居服素夾四件絰絲一件線羅二件銀絲紗一件大帶各色線羅四條玉革帶一條金事件全玉花朵結綬一副金事件全玉珮玕璫一副金鉤金事件全玉雲龍霞帔墜頭一箇金釵花釧一雙金素釧一雙金連珠鐲一雙首飾一副天順八年加一

副

珠面花二副翠面花二副四珠葫蘆環一雙八珠環一雙排環一雙玉禁步一副青素絰絲滴真珠描金雲龍帛一雙青羅襪全珠翠花四朶翠花四朶珠兒粉十兩蠟臙脂二兩金合二箇金鑲合香

串一副金八百兩花銀二千六百兩寶鈔二千錠白繇五十斤五樣珍珠二十八兩絛絲八十四銀
絲紗十八匹素線羅八十四大紅素線羅八匹熟綾八十四妝花絨錦四十段白生闊土紗八匹各
色熟絹二百八十四各色衣服七十件絛絲二十件紗十八件羅二十件綾十二件各色被六牀錦
二牀絛絲二牀綾二牀白絹臥單四條裁剩絛絲紗羅錦二束朱紅漆戣金皮箱三十對翟服匣一
座朱紅漆柳箱二對擊執宮人用衣帽等件九十六件紅綠平羅銷金衣二十四件硬翠竹葉烏紗
帽二十四頂阜麕皮靴二十四雙鍍花銀束帶二十四條馬十二匹大紅熟絹銷金蓋馬襪十二條
乘馬四匹回禮馬八匹金鞍四副開合絛絲八匹木紅熟絹八匹珠翠花一朶抹金銀脚全羊五十
二隻酒三百四十瓶豬三十二口鵝六十四隻末茶六十四袋圓餅一千二百箇白麪二百四十袋
膠棗四合栗子二合榛子二合木彈二合胡桃二合響糖四合纏碗四合蓮肉纏四合杏仁纏四合
縮砂纏四合 發冊奉迎前一日所司設樂儀仗如常儀至期早鴻臚寺設制書案節案冊案寶篆
案於御座前禮部陳鴈及禮物於丹陛上內官監設綵輿於奉天門外陳設皇后鹵簿車輅禮物於
綵輿南其傳制遣使並同前納采問名儀但改制詞云茲冊某官某女爲皇后命卿等持節奉冊寶

行奉迎禮其節及制書冊寶用傘蓋遮護從中門出執事舉鴈及禮物隨行正副使亦隨行詣皇后
第行禮其奉迎用旗手衛鼓吹前導設而不作教坊司作樂如常是日內官設皇后幕次於內殿南
北向設上與皇后各更服處於內殿皇后第前一日設正副使幕次於大門外南向設香案制書案
節案冊寶案於正門中又設香案制書案節案於正堂別設案於正堂北 新儀改制案節案別設
案俱設於正堂北

其日止副使至於綵輿中取節及制書冊寶置案上入次少候女官奉皇后首飾褱衣入中堂左

新儀改入中堂右

內官陳儀仗車輅等物於大門內禮官一員先入主婚者朝服出見禮官曰奉制冊后遣使持節奉
冊寶行奉迎禮主婚者出迎執事者舉冊寶案前行正副使捧制書及節次行執事者執鴈及禮物
隨入主婚者從行至正堂正副使置制節於案執事者置冊寶案於制案節案之南冊寶西正使
立於案左副使立於案右相向引禮引主婚者就拜位行四拜禮退立於西南女官以首飾褱服進
皇后內官進皇后儀仗於中堂前設女樂於堂下作止如常儀司禮監官進前受節冊寶正副使於